



Liebi Verwandti, liebi Fründe und Bekannti

Tief beydruckt und berührt vo öier grosse Anteilnahm, wo mir i de Tage vom schmärlzliche Abschied vo üsem Hanspeter hei dörfe erfahre, danke mir vo ganzem Härze.

Danke säge möchte mir allne, wo dr Hanspeter während sym Läbe es chürzers oder längers Wägstück begleitet hei, ihm Liebi, Fründschaft, Zyt und Fröid gschänkt hei und jetz mit üs truure. Witer danke mir allne, wo mit üs i dr Spittelkapelle vom Hanspeter hei Abschied gno, und für jedes Zeiche vo Mitgfuehl, Verbundeheit und Troscht, wo zeige, wi viele unvergässliche Spure dr Hanspeter bi Mönsche, wo er begännet isch, hinterla het.

Öies «Mit-üs-Si», öies «A-üs-Danke» git üs Chraft und Muet uf üsem Läbeswäg ohni Hanspeter chönne witer z'ga.

Yfühlsam und wägbegleitend si d'Wort vo dr Pfarrerin Marianne Bartlome und syne Fründe, Gabriel Looser und Hugo Kropf, gsy. D'Christine und dr Werner Brechbühl, d'Catrina Demenga und dr Hans Reber hei ihrne Instrument berührendi Kläng ent- lockt. Me het Ruum und Zyt für ne Momänt vergässe. Helferinne hei mit wunder- schöne Blueme und Cherze für e bsinnlechi Stimmig gsorget. Eso isch alls zure fyrliche und vom Gedanke a Tod befreiendi Einheit zäme gwachse. Mit eme Lüchte i de Ouge hätti sech dr Hanspeter für all das bedankt.

Füre überus fein und rychn Apéro im Burgerspittel im Viererfeld bedanke mir üs bim Chuchi- und Serviceteam ganz härzlich. Em Hanspeter sy Läbeskreis het sich im Burgerspittel gschlosse. Liebevoll und mit viu Härz isch er bi sym Ytritt vo allne willkomme gheisse worde. Dr Arzt und di Pflegende hei mit ihrer respäkt- und liebevolle Pfleg derzue bytreit, dass dr Hanspeter bis zu sym Stärbe sys Schmunzle, sys Augezwinkere und das, wo i Wort nüm isch möglich gsy z'säge, het chönne mitteile. Für üs blybt das unvergässe!

Im Name vo üs und em Theaterverein NVB geit a öich alli es härzliche Dankeschön für die überus gross- zügige Spände.

Mir lehre mit dr Veränderig z'läbe, wo dr Tod vom Hanspeter mit sich bringt. Di vile Zeiche, wo üs erreicht hei, lö üs gschpüre, das mir mit user Trur nid elei si. Im Wüsse drum, dass dr Hanspeter i vilne Härze wyter- läbt, gö mir tröschtet üse Wäg wyter.

Vo Härze verbunde

Marianna Reinhard
Pia, Remo und Theres Kissling
Marcel und Trudi Kissling